

Broj: 03-02-1235/2020  
Sarajevo, 31.03.2022. godine

PARLAMENT FEDERACIJE  
BOSNE I HERCEGOVINE

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primljeno: 31-03-2022			
Org. jed.	Broj	Priloga	Vrijednost
02-	02-	1909/20	

- Dom naroda  
gosp. Tomislav Martinović, predsjedavajući

VRLO HITNO

**PREDMET: Izjašnjenje Vlade Federacije Bosne i Hercegovine o Amandmanu na Prijedlog zakona o gasovodu „Južna interkonekcija Bosna i Hercegovina i Republika Hrvatska“**

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), u prilogu Vam dostavljam **Izjašnjenje o Amandmanu na Prijedlog zakona o gasovodu „Južna interkonekcija Bosna i Hercegovina i Republika Hrvatska“**, kojeg je podnio Marko Saraf, delegat u Domu naroda Parlamenta Federacije BiH, a koje je Vlada Federacije Bosne i Hercegovine utvrdila na 249. hitnoj sjednici, održanoj 31.03.2022. godine.

Izjašnjenje se dostavlja na službenim jezicima i pismima Federacije Bosne i Hercegovine.

S poštovanjem,

  
**PREMIJER**  
Fadil Novalić

Prilog: kao u tekstu na bosanskom jeziku

**Cc: Federalno ministarstvo energije, rudarstva i industrije**  
gosp. Nermin Džindić, ministar

*W. predst*

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja Amandmana na Prijedlog zakona o gasovodu „Južna interkonekcija Bosna i Hercegovina i Republika Hrvatska“, kojeg je podnio Marko Saraf, delegat u Domu naroda Parlamenta Federacije BiH, Vlada Federacije Bosne i Hercegovine je, na 249. hitnoj sjednici, održanoj 31.03.2022. godine, utvrdila sljedeće:

### IZJAŠNJENJE

**o Amandmanu na Prijedlog zakona o gasovodu „Južna interkonekcija Bosna i Hercegovina i Republika Hrvatska“, kojeg je podnio Marko Saraf, delegat u Domu naroda Parlamenta Federacije BiH**

### AMANDMAN

U članu 5. stav (2) alineja b) Prijedlog Zakona gasovodu „Južna interkonekcija Bosna i Hercegovina i Republika Hrvatska“, nakon riječi Mostar dodaje se: „Gornji Vakuf-Uskoplje i Jajce”.

S predloženim amandmanom član 5. stav (2) alineja b) Prijedloga Zakona gasovodu „Južna interkonekcija Bosna i Hercegovina i Republika Hrvatska“, glasit će:

„b) izgradnju odvojka za Mostar, Gornji Vakuf-Uskoplje i Jajce u drugoj fazi”

### IZJAŠNJENJE

**Amandman se prihvata**  
**na način da konačan tekst člana 5. stav (2) alineja b) nakon uvrštavanja ovog amandmana, glasi**

b) Izgradnju odvojka za Mostar, Livno, Gornji Vakuf-Uskoplje i Jajce u drugoj fazi koja će započeti istovremeno sa radovima na prvoj fazi odnosno najkasnije odmah nakon okončanja prve faze.

### Obrazloženje

Vlada Federacije Bosne i Hercegovine je tekst naprijed navedenog amandmana “U članu 5. stav (2) alineja b) iza riječi “Mostar” dodaju se riječi: Gornji Vakuf - Uskoplje i Jajce” predložila u proceduri usvajanja Prijedloga Zakona o gasovodu “Južna interkonekcija Bosna i Hercegovina i Republika Hrvatska” na 28. redovnoj sjednici Predstavničkog doma Parlamenta Federacije Bosne i Hercegovine, održanoj 21.12.2021. godine i shodno tome ovaj amandman je postao sastavni dio Prijedloga Zakona, međutim, isti je usvajanjem Amandmana III koji je Vlada Federacije BiH prihvatila, a koji glasi:


U članu 5. stav (2) alineja b) se briše i zamjenjuje se novim tekstom koji glasi:

„Izgradnja odvojka za Mostar i Livno u drugoj fazi koja će započeti istovremeno sa radovima na prvoj fazi odnosno najkasnije odmah nakon okončanja prve faze.“  
prethodno navedeni amandman brisan.

Uvažavajući naprijed navedeno cijenimo da konačan tekst člana 5. stav (2) alineja b) Prijedloga zakona treba da glasi:

b) Izgradnju odvojka za Mostar, Livno, Gornji Vakuf - Uskoplje i Jajce u drugoj fazi koja će započeti istovremeno sa radovima na prvoj fazi odnosno najkasnije odmah nakon okončanja prve faze

V. broj: 427/2022  
31.03.2022. godine  
Sarajevo



PREMIJER

*Fadil Novalić*  
Fadil Novalić